

OKVIRNI SPORAZUM

**Okvirni sporazum za nabavku usluga školovanje pilota i aviomehaničara
OTVORENI POSTUPAK – JAVNA NABAVKA SA MEĐUNARODNOM OBJAVOM
Nabavka usluga školovanje pilota i aviomehaničara**

Na osnovu člana 32. Zakona o javnim nabavkama ("Službeni glasnik BiH", broj: 39/14 i 59/22) i člana 20. Pravilnika o javnim nabavkama Ministarstva Unutrašnjih poslova Kantona Sarajevo, a nakon provedenog otvorenog postupka br: 04-1-11-4-6115/24, od 02.02.2024. godine, za nabavku usluga školovanje pilota i aviomehaničara koji je zaključen između:

1. Ministarstvo unutrašnjih poslova Kantona Sarajevo, sa sjedištem u ulici La Benevolencije broj 16, 71 000 Sarajevo, kojeg zastupa ministar Admir Katica, (u daljem tekstu: Naručilac), i
2. FLIGHT ACADEMY MONTENEGRO d.o.o., sa sjedištem u ulici Mila Radunovica broj S-3, Podgorica, Crna Gora kojeg zastupa direktor Zdravko Dragutinovic (u daljem tekstu: Ponudač)

Član 1.

Predmet ovog okvirnog sporazuma je nabavka usluga školovanja pilota i aviomehaničara Naručioca, od strane Ponudača, a sve u skladu sa ponudom Ponudača broj 13/2024-FAM od 01.06.2024 koja ponuda čini sastavni dio ovog okvirnog sporazuma.

Ugovorene usluge iz stava 1. ovog člana, Ponudač će isporučivati Naručiocu prema cijenama iz svoje ponude.

Ovim okvirnim sporazumom strane su saglasne da mogu tokom cijelog ugovorenog perioda zaključivati pojedinačne ugovore iz oblasti za koju je proveden predmetni otvoreni postupak nabavke, bez primjene propisa kojim se uređuju postupci javne nabavke.

Član 2.

Ovaj okvirni sporazum se zaključuje sa Ponudačem kojem je dodijeljen okvirni sporazum u provedenom otvorenom postupku nabavke u skladu sa Odlukom o izboru najpovoljnijeg ponuđača broj: 04-01-11-4-6115-9/24, i njegovom Ponudom broj: 04-01-11-4-6115-8/24 od 01.06.2024 godine.

Član 3.

Ovaj okvirni sporazum se zaključuje na period od 3 (tri) godine od dana njegovog stupanja na snagu.

Maksimalna količina usluge koja može biti isporučena tokom važenja okvirnog sporazuma je do količina navedenih u količinskoj specifikaciji ponude.

Maksimalna vrijednost ovog okvirnog sporazuma za period na koji je zaključen iznosi 874.003,36 EUR, prema kursu EUR-KM(1,95583) 1.709.401,99 KM (slovima milionsedamstotinadevetcetiristotinejedna i 99/100 KM) bez uključenog PDV-a. Ukupna plaćanja (bez PDV-a) po osnovu svih pojedinačnih ugovora zaključenih po ovom okvirnom sporazumu ne smiju prelaziti ukupnu vrijednost ovog okvirnog sporazuma.

Član 4.

Na osnovu ovog okvirnog sporazuma strane će zaključiti pojedinačne ugovore o nabavci usluga školovanje pilota i aviomehaničara za potrebe Naručioca, pod uslovima utvrđenim obavještenjem o

nabavci, tenderskom dokumentacijom, ponudom Ponuđača iz člana 1. stav (1) ovog sporazuma i u skladu sa svim važećim propisima koji regulišu ovu oblast.

Način i rokovi plaćanja usluga koje pruži Ponuđač u skladu sa odredbama Ponude iz člana 1. stav (1) ovog ugovora utvrdit će sa odredbama pojedinačnih ugovora, s tim da shodno odredbama člana 3. stav (4) ovog sporazuma ukupni zbir iznosa isplata iz pojedinačnih ugovora ne može prelaziti ukupnu vrijednost ovog okvirnog sporazuma iz člana 3. stav (3) ovog sporazuma.

Član 5.

Odredbe ovog okvirnog sporazuma ne mogu se mijenjati nakon njegovog zaključenja.

Kao dopisna adresa važi adresa iz preambule ovog Okvirnog sporazuma. Svaka promjena adrese mora drugoj ugovornoj strani biti blagovremeno saopštena.

Član 6.

Ovaj okvirni sporazum stupa na snagu danom njegovog potpisivanja.

Ukoliko Dobavljaču u roku od 10 dana od dana prijema, ne vrati potpisan i ovjeren Okvirni sporazum sa svoje strane smatra se da je odustao od istog.

Član 7.

Ukoliko Naručilac ocjeni da Ponuđač nije u stanju kontinuirano i kvalitetno izvršavati preuzete obaveze, odnosno ukoliko ponuđena usluga nije u skladu sa datom ponudom iz člana 1. ovog Okvirnog sporazuma, Naručilac može jednostrano, bez saglasnosti Ponuđača, raskinuti ovaj Okvirni sporazum.

U slučaju iz prethodnog stava Naručilac će imati pravo na naknadu štetu u skladu sa relevantnim propisima koji važe u mjestu sjedišta naručioca.

Član 8.

Naručilac nema pravo zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani od komisije za nabavke u svojstvu člana ili službenog lica prilikom dodjele Okvirnog sporazuma.

Član 9.

Na ostala prava i obaveze ugovornih strana, koja nisu regulisana ovim Okvirnim sporazumom primjenjivaće se odredbe Zakona o obligacionim odnosima i drugim relevantnim propisima koji važe u mjestu sjedišta naručioca.

Sve eventualne sporove strane će rješavati mirnim putem, a ukoliko to nije moguće, za rješavanje spora nadležan je Općinski sud u Sarajevu.

Član 10.

Ovaj okvirni sporazum sačinjen je u 4 (četiri) primjerka, po 2 (dva) za svaku stranu.



PONUĐAČ:
FLIGHT ACADEMY MONTENEGRO
DIREKTOR:
ZDRAVKO DRAGUINOVIĆ
[Signature]

Broj: Sarajevo, 2024.god